

IRSYAD

Soalan

Bolehkah mengqadakan solat yang tertinggal pada waktu solat yang lain?

Jawapan

Solat merupakan kewajipan yang perlu dilaksanakan pada waktunya. Firman Allah *Subhanahu wataala*:

إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَّوْقُوتًا ...

Maksud: "... Sesungguhnya solat itu adalah satu ketetapan yang diwajibkan atas orang-orang yang beriman, yang tertentu waktunya."

(Surah an-Nisa': 103)

Daripada Ubadah ibnu al-Somit *Radiallahu anhu* katanya, aku mendengar Rasulullah *Sallallahu alaihi wasallam* bersabda:

خَمْسٌ صَ لَوَاتٍ كَتَبَهُنَّ اللَّهُ عَلَى الْعِبَادِ فَمَنْ جَاءَ بِهِنَّ لَمْ يُصَبِّحْ مِنْهُنَّ شَيْئًا اِنِّي اَنْتِخَفَا فَا بَحَقَّهِنَّ كَانَ لَهُ عِنْدَ اللَّهِ عَهْدٌ اَنْ يُدْخِلَهُ الْجَنَّةَ وَمَنْ لَمْ يَأْتِ بِهِنَّ فَلَيْسَ لَهُ عِنْدَ اللَّهِ عَهْدٌ اِنْ شَاءَ عَذَّبَهُ وَاِنْ شَاءَ اَدْخَلَهُ الْجَنَّةَ

Maksud: "Allah *Subhanahu wataala* telah mewajibkan solat lima waktu atas hamba-hamba-Nya. Sesiapa yang tetap melakukannya tanpa meninggalkan satu pun daripadanya lantaran meringan-ringankan hukum wajibnya, Allah berjanji akan memasukkannya ke dalam syurga. Sebaliknya sesiapa yang tidak melakukannya, Allah tidak menjanjikan apa-apa pun kepada-Nya sama ada mengazabkannya atau memasukkannya ke dalam syurga mengikut kehendak-Nya."

(Hadis Riwayat Abu Daud, 1420)

Hadis riwayat Anas ibnu Malik *Radiallahu anhu* bahawa Rasulullah *Sallallahu alaihi wasallam* bersabda:

مَنْ نَسِيَ صَلَاةً فَلْيَصِلْ اِذَا ذَكَرَهَا لَا كَفَّارَةَ لَهَا اِلَّا ذَلِكَ

Maksud: "Sesiapa yang terlupa solat, maka hendaklah dia menunaikannya apabila dia teringat akannya, tidak ada kafarah untuknya melainkan hal tersebut."

(Hadis Riwayat al-Bukhari, 597)

Meninggalkan solat fardu atau melengah-lengahkannya tanpa apa-apa keuzuran hingga terkeluar dari waktunya adalah berdosa besar dan wajib diqadakan solat yang ditinggalkan tersebut serta hendaklah bertaubat. Waktu qada solat boleh dilakukan pada bila-bila masa dan sesegera yang mungkin. Oleh itu, sewajarnya setiap umat Islam sentiasa menjaga dan mengambil berat atas kewajipan solat yang telah difardukan.